

BAHEBRAYO, CHIPATI CABILI ²



...boola kutaanguna, a kulangalanga Magwalo, kutegwa ka konzya ku ceezyanisyaa akubona naa cakali ca Bwini na pe. Wa ka cibweza, Bwini, ku Cizuminano Cakale. Lino, Paulo wakali sicikolo mupati wa Cizuminano Cakale. Mbangaye bazi boobo? [Mbunga yaamba, “Ameni.”—Mul.] Wa kayiisigwa kunsi lya umwi wa basicikolo baina ba buzuba bwakwe, Gamaliyeli, sicikolo mupati wakazizilwe. Elyo Paulo wakaziba Cizuminano Cakale. Elyo Ndi yeeya kuti kuzungaana kwakwe kutaanzi, mbuli Mbwe amba cifumo cino, ciindi na kapeda bumboni bwa lufu lwa Stefano. Kubaanga cintucimwi cakajata Paulo, nkaambo monse mu malembo akwe wa kazumanana kutondeka kuli nkuko, “Ta ndeeleri, nkaambo Nda kapenzya Mbungano kusika ku lufu. Ndili muniini akati kabo.”

⁹⁵ Oh, pele Leza waka jisi muyeeyo wandeene kuli ncico. Wa kali umwi wa bantu basinguzu iba buzuba.

Amubone Musalali Paulo, muapostolo mupati
A cikobela cakwe cibotu a cimwekesya kapati,
(sikweema wakaamba)
Oh, kuli masimpe kuti kuyooba koongolola
Cindi tonse twa kuswaangana Okuya.

Obo Buzuba bupati cindi Nda kumubona katambula musyini wa basikufwida buzumini, bulumbu bwa basikufwida buzumini!

⁹⁶ Nda kaimikila kumbali lya cimpatii cakaindi ciniini, okuno calino, oko nkwa kalembela Magwalo aya. Elyo mpawo ba kamugonka mutwe wakwe. A ku mubika mu cimbotela, ku kusanzya cimbotela. Elyo oyu mu Juda wakaindi okuya, wa kati, “Ndi jisi mbata mu mubili wangu zya Jesu Kristo. Nda kalwana a banyama baku Efeso, pele Nda kalwana nkondo mbotu. Nda kalumanizya lweendo. Nda kalubamba Lusyomo. Elyo kuzwida eno, mpaawo kubikidwe musyini wangu wa bululami, oyo Mwami, Mubetesi uululeme, ngwaya kundipa Buzuba obo. Alimwi kuli ndime endikke, pele bonse abo bayandisya kulibonya Kwakwe.” Obo Mbwe ciyanda eco! Oh, Ndi yanda kubalwa abaabo! Twa kali kunga tulaimba lwiimbo:

Oh, sa uya kubalwa mbuli umwi wa cimpatii
Cakwe?
Sa uya kubalwa mbuli umwi wa cimpatii
Cakwe?
Koba uutakwe kabala mukati, kolanglila a
kulindila kulanga oko kubonekela;
Uya kuboola alubo.

97 Ndi yanda kuba umwi wabo. Lino mulembi ula zumanana, kwaamba kuti:

Nkikaako twe elede kupa...kupakamana kwa kusinizya ku zintu ezyo nzo twa kamwa, kulesya kuti kufumbwa ciindi zitu supuke.

98 Mbuli mbo twa yiisya ali ceeco, cifumo cino, kampango ka 2 kalanganya, “Ikuti . . .”

Nkambo ikuti na ijwi lya kaambwa a baangelo . . .

99 Ino twa kajana kuti *baangelo* bakaba bani? Basinsimi. “Leza wakakanana mu ciindi cakale . . .” Lino, mweelede kubamba, kutali muzeezo wesu, pele Bbaibbele. Lino chipati ca 1, ca . . . chipati ca 1, kampango ka 1.

Leza, walo ku ziindi zyakale...mu ziyanza zyanginsini waakanana...ku matata kwinda ku basinsimi,

100 Lino ula zumanana awa, a kwaamba alubo.

Nkambo ikuti na ijwi lya kaambwa a baangelo lyakali tonkomene, . . .

Alimwi ino bbala *angelo* lyaamba nzi? “Mutumwa.” Ikuti na Leza wakananika mutumwa . . . Alimwi mpawo ikuti na tuli nanikidwe, tuli batumwa ba Leza. Tuli batumwa ku inyika, bangambela baku Julu, balungulula kuti tuli bamuzwamasi a beenzu. Ta tuli ba inyika eyi. Pele tu yandaula Munzi uciza, wa Muyasi a Sikupanga ngu Leza. Ta tuyoboli lubono aa nyika eyi, oko babbi nkoba tulula kunjila, a mapempya, nkayala, a bubu. Nkambo, lubono lwesu luyobwedwe ku Julu, oko Jesu nkwa kkede ku janza lyalulyo lya Bupati. Oh, ino nchitu cibotu a cabulemu, ku ziba ceeco:

Bulangizi bwesu buyakidwe biyo
Aa bulowa a bululami bwa Jesu;
Cindi konse buntu bwangu bwapa nzila,
Mpawo Walo mbulangizi bwangu a kukkala
koonse.

Ali Kristo, Mwaala muyumu, Nda ima;
Oonse masena ambi ngo muse uubbila,
Oonse masena ambi ngo muse uubbila.

101 Obo Eddie Perronet mbwa kalemba lwiimbo olo, mu ziindi zya kupenzegwa!

Lino, ikuti na ijwi lya kaambwa a baangelo lyakali tonkomene, . . . (Cindi mutumwa wa Leza nakaamba Ijwi, Lya kaima). . . a bulumbo boonse bwa katambula kuliya nkoto kululeme kwa bulumbu;

Mbobuti mbo tuya kuyokoka lino, ikuti na ta tumu swiilili Kristo, Oyo waka kanana kuzwida ku Julu?

Lino amulangilile.

Mbobuti mbo tu konzya kuyokoka, ikuti na twa unduluzya maningi lufutuko lupati; ... (Amu ciyeeye)...lwalo mu kutalika lutaanzi kwaambwa ku Mwami, ...

¹⁰² Kristo waka talika mulimo Wakwe. Ino Wa kacita nzi? Tula Mu langilila, obo Mbwa . . . mubombe, mutete, obo Mbwa takali muntu simpuwo mbuli silwiiyo wabukombi. Pele Wa kali mubombe, silubombo, sibuuya. Ta kali mukambausi singuzu. Jwi Lyakwe tii lyaka mvugwa mu tugwagwa.

Pele Johane wakayutuka mbuli mulavu uuvuluma. Wa kali mukambausi.

¹⁰³ Jesu wakayutuka, kutali mbuli mulavu uuvuluma, pele Leza kabeleka a Nguwe, katondezya Ijwi. Leza wakali a Kristo. Petro wakati, aa Buzuba bwa Pentekoste, “Nywebo nobantu ba Israyeli, a nywebo nomukkala mu Judaya . . . Jesu waku Nazareta, Muntu wakatondekwa a Leza aakati kanu, ku zitondezyo a zigambyo a maleele, ayo Leza nga kacita kwinda kuli Nguwe, akati kanu nyoonse, kwalo nywebo nyoonse muli bakamboni.” Amulangilile obo mbwa ka cikankamina ali mbabo. “Mwa keelede ku Mu ziba.”

¹⁰⁴ Jesu wakati, “Nywebo basikuupaupa.” Kati, “Mula unka a kuyo langa zuba, alimwi nywebo . . . Kula salala a kusiya, mu lati, ‘Buya kuba bube bubotu bwaciindi.’ Alimwi ikuti na kula balama a kubala zuba maningi, na bumwi, mu lati, ‘Buya kuba bube bubotu bwaciindi.’” Kati, “Mula konzya kuziba mulengalenga, pele zitondezyo zya ciindi, tamu konzyi kuziba. Nkambo ikuti ni mwaka Ndi zyiba, nimwa kabuziba buzuba Bwangu.”

¹⁰⁵ Oh, inga Na ompolola sunumasiku. Obo Muuya Wakwe mbo uompolola kwiinda mu bakambausi Bakwe, “I oora lili afwaafwi!”

Tula ziba. Tula lalangila mabbomba aatomiki. Tu lizi uya kubweza busena bwa Clark Gable, a oyo uya kucita *ceeci, eco*, na *cimbi*; na uyooba muleli wabili. Tula yandisya muli ceeco, pele ta tukonzyi kuziba zitondezyo zya ciindi. Tuli ku mamanino.

¹⁰⁶ Ino ncinzi? Tula yandisya kapati, “Ino ngu capita nzi itobela mu televizhioni? Ino Susie uya kucita nzi?” na mbolibede zina elyo lya mwanakazi oyo. “Alimwi nkokuli Arthur Godfrey nkwaya kuba? Ino musyobo nzi wa kudana ngwaya kusomona ciindi citobela?” Swebo, mbuli Banakristo, kuzuzya mizeezo yesu a bufuba obo, kakuli tweeledede kuba mu mipailo kubusena bumwi, a kubala Bbaibbele, akuziba zitondezyo zya ciindi nco tuponamo.

¹⁰⁷ Ci cita ceeco, ziindi zinji, nzikambaukilo zikompepe, mbo mbubo, zita sakani ansi a kuleta Bwini bwa Makanimabotu. Tuya kucipeda bwiinguzi eco ku mazuba aciboola. Ta tweeledede kuunduluzya cili conse. Alimwi bantu, mbuli mbo tuli ano kuli

eci Cikombelo ca Branham, kubona zitondezayo a zigambyo, a nguzu zya Kristo wakabuka; elyo mpawo kuziba kuti inga twa bikka ziindi zyesu—zyesu aa zintu zimbi, a kuunduluzya kumvwa Jwi lya Mwami Jesu, “Mbobuti mbo tuya kuyokoka, ikuti na twa unduluzya lufutuko lupati boobu?”

¹⁰⁸ I kampango ka 3, na kampango ka 4. Mpaawa mpo twa golela, aa kampango ka 4, cifumo eci.

Leza walo kaba peda bumboni, . . . (Oh, ma!)

Leza . . . kaba peda bumboni, . . .

Amuswiilile ku Ijwi.

. . . a zitondezayo . . . zigambyo, a maleele asiyenesiyene, . . .

Ino niinzi maleele *asiyene?* Ino niinzi *asiyenesiyene?* A asiyenesiyene caamba “manji.” “A maleele *manji*, Leza wakapeda bumboni.” O Leza! Ndila syoma kuti Ciyo mvugwa mu myoyo yanu. Amuswiilile.

¹⁰⁹ Ndili umwi wa beembeli banu, a Mukwesu Neville okuno. Ndi yanda kuti mu Li tole ku bulembo. I Bbaibbele lyakati, “Ikuti na kwabuka umwi akati kanu, nkabela waamba cili *boobu-a-boobu*, nkabela ta cibooli kucitika, muta ciswiilili, nkambo Nse kanana. Pele ikuti na wa kanana mu Zina Lyangu, nkabela eco ncaamba cacitika, mpawo amu Ci swiilile.” Ameni. “Nkambo Ndili a oyo musinsimi, na mukambausi, kufumbwa mbwanga waba. Ikuti na eco ncaamba cacitika, mpawo amu muswiilile.”

¹¹⁰ Lino, beenzuma, atu Mu swiilile, Muuya Uusalala kaukanana akati kesu, katondezya maleele asiyenesiyene, a zitondezayo, a zigambyo. Tu ta Ci indilili mbuli kucitika buyo kwalyoonse. Atu yeeye kuti Ngu Jesu Kristo, mbobuca nguwenya, sunu, amuya myaaka; katondezya Ijwi Lyakwe. Twe elede kucicita. Oh, akaka amu cicite. Amupakamane. Atu cite zintu zimwi zimbi kuba zitobela, nouba muunzi wako, mulumi wako, mukaintu wako, bana bako. Kufumbwa mbo cinga caba, amu cibikke kuba cabili. Amubikke Leza kusaanguna. Nywebo mwati, “Mukwesu Branham, ku bana bangu?” Kuli cili conse. Amubikke Leza kusaanguna. Amumuleke Abe mutaanzi.

¹¹¹ Eliya wakaseluka kuzwa aa mulundu, buzuba bumwi. Wa kali angelo, mutumwa, mutumwa wa Leza, wakananikidwe. Elyo wa kajana mukamufu katebba tukuni tobile. Wa kati, “Koya, kandi jikile kkekke niini, a kundi janina maanzi masyoonto.”

¹¹² Elyo waa kati, “Mbuli muuya wako mboupona, Ndi jisi buyo makkekke akubwene, na kukandwa kwa whiiti kunji, kupanga kkekke lyomwe liniini litakwe bumena. Alimwi Ndi jisi buyo mafuta akubwene akutula, ku cisanganya, kuba mafuta akujisy. Elyo Ndi bwezelela tukuni tobile.” I nzila ya ciyanza cakaindi, ni

nzila yabama India, ya kwiinganya tukuni a kutuumpa kuzwida akati, a kuzumanana kutu sosela. Kapanga mulilo kanji wa mu zilabba mbuli nguwo. Kati, “Elyo Ndiyo jika kkekke elyo liniini lyangu a mulombe wangu, muvwanda wangu. Alimwi tuya ku cilya a kufwa.” Kwakali cilanga kwa myaka yotatwe a myeezi ili cisambomwe, kwakanyina maanzi kulikonse.

¹¹³ Oyo musinsimi, mudaala mukali, waka mulanga oyo mwanakazi ku meso. Wa kati, “Koya, kandi jikile kkekke kusaanguna.” Ino nkulailila, ku mwaalumi kwaambila mukamufu, kafwa nzala, kuti amu sanine kusaanguna. Ino wa kaamba nzi? “Nkambo MBUBOOBU MBWAAMBA I MWAMI, cinkuli ta cikayuminini, nanka nsazi kuyuminina, kusikila Leza akatume mvula aa nyika.”

Kusaanguna, Leza. Waa kanjila a kujika kkekke niini, akuboola kwiipa ku musinsimi. Kajokela ncobeni a kujika cimwi cimbi, a cimwi cimbi, a cimbi, a cimbi. Elyo cinkuli taakwe ni cakayuminina, na nsazi kuyuminina, kusikila Leza nakatuma mvula aa nyika. Waa kabikka Leza kumbele lya bana bakwe. Waa kabikka Leza kumbele lya cintu cili conse cimbi. Waa kasala Bwami bwa Leza, kusaanguna.

¹¹⁴ Leza weelede kuba a busena butaanzi mu moyo wako, busena butaanzi mu buumi bwako, busena butaanzi mu zintuzyonse nzo cita na obo mbobede. Leza weelede kuba mutaanzi. Ta yandi busena bwabili. Ta elelwi ku busena bwabili. Walo weelelwa bubotu bwiinda, a citaanzi, a zyonse nzo tujisi. Ula ceelelwa. Lilelekwe Zina Lyakwe lisalala!

Nkambo Leza awalo kapeda...bumboni, wa kapa bulunguluzi, ku zitondezyo a zigambyo,... maleele asiyenesiyene, a zipego zya Muvya Uusalala, kweendelana ku luyando lwakwe mwini?

¹¹⁵ Kutali eco bantu nco baamba, eco mbungano nco yaamba, pele obo luyando lwa Leza mbo lwakabede. Oh, tu yandikana luyando lwa Leza, kutali bwela bwa simukobo nyokwe, kutali bwela bwa bana bako, kutali bwela bwa mulumi wako na mukaintu wako. Pele, kuyandaula luyando lwa Leza, a kucita olo lutaanzi. Mpawo zintuzyonse zimbi, luyando lwa mukaintu a luyando lwa bana, luya kuzuminana ncobeni a ndulo. Pele, bikka Leza kusaanguna.

¹¹⁶ Amulangilile, lino.

Nkambo ku baangelo ta kabikka kubweendelezi inyika iciza, kwalo tula kanana.

¹¹⁷ Mubumwi, Baangelo bapati abo bakutauka ku Majulu, Gabriyeli, Mikayeli, Wuuduwerumu, a makumi a zyuulu taimuzi makumi a zyuulu zya Baangelo baku Julu; na makumi a myaanda ya basinsimi abo bakali aa nyika, umwi aumwi wabo; Ta kabikka umwi wabo kuba abweendelezi ku inyika iciza, eyo njo tu kanana. Taakwe omwe! Ta kaamba kuti, “Isaya, uya

kweendelezya inyika.” Ta kabikka inyika kubwendelezi bwa Eliya. Naanka kuti Wa kakubikka kuli Gabriyeli, na angelo umwi, muuya umwi uukutauka.

118 Amulangilile eco nca kaamba, Paulo, kacilemya Kristo, oko nko tukanana.

Pele umwi mu busena bumwi waka lungulula, kaamba kuti, Ino muntu niinzi, wakuti ula mubikkila maanu? na mwana wa muntu, kuti inga uya ku muswaya?

Wa ka mubamba kuceya aniini kwiinda bangelo; wa kamu samika musyini a bulemu a lulemeko, a kumu bikka kulanga milimo ya janza lyako:

119 Lino, ikuti na muyanda kubala ceeco, ni Ntembauzyo 8:4-6, Davida kakanana. Lino ino wa kamwiita buti Davida awa? Cila cibamba, mpoonya awa, naa Ndali luleme cifumo cino, aa musinsimi.

120 Wa kati, “Nkambo umwi wa baangelo wakaamba mu busena bumwi.” Davida, mutumwa wa Leza, wakali angelo wa Leza, nkambo wa kali mutumwa wa Leza. I angelo wakati, Davida wakati, mu Ntembauzyo, “Wa ka Mu bamba kuceya aniini kwiinda Baangelo baku Julu.” Ii angelo wakati Leza waka Mu bamba kuceya kwiinda Angelo, kutegwa Walo ka Mu samika musyini; alimwi kutegwa Ka penga a kulabila lufu, ku kusumpulwa alubo. Kutu Walo kakonzya ku Mu bamba i... kukona zyonse zintu zya inyika. [Kabeela katakwecintu aa teepu—Mul.]

121 Lino, muli—muli Matayo 28:18, tu bala aya. Walo Na kamana kubambulwa a kubuka alubo aa buzuba bwatatu, Wa kaswaana basikwiiya Bakwe a ku balailila kuunka mu inyika yoonse, kuyo kambauka Makanimabotu ku bantu bonse. Wa kati, “Zyonse inguzu ku Julu a mu nyika zyapegwa mu maanza Angu. Zyonse nguzu ku Julu, zyonse nguzu mu nyika, zyapegwa kuli Ndime.” Ino cakali cinzi? Muntu a Leza bakakamantana. I Logosi yakacita kuba mu mubili wabantu alimwi yaka jaigwa, a kubuka alubo ku kululamikwa kwesu, alimwi mpawo wakali Emanueli walyonse a walyonse. Leza wakacinca busena Bwakwe bwakukkalila, kuzwa ku Cuunocabwami mu myaakwe ili kulaale, ku moyo wa Mwana Wakwe, Kristo Jesu, ku kupona a kulela kwalyonse. “Leza wakali muli Kristo.” Walo mbusena bwamamanino akulyookezya kwa Muuya.

122 I Muuya wakakkala mu cikombelo, buzuba bumwi, mulizi obo, kungsi lya tente. “Elyo Solomoni waka Mu yakila ng’anda. Pele, nekubaboobo, Sijulu lya majulu takkali mu maanda akapangwa a maanza.” “Pele mubili Ngo kandibambila Mebo.”

123 Omuya mu Bbuku lya Ncito, chipati ca 7, cindi na kali kukanana, wa kati, “Bonse babo baka Ubona. Ba ka Mu yakila tente, Musa wakacita, kajisi tente, a kubikka bbokesi omuya,

nkambo Leza wakali aa Cuuno ca Luse. Ta kali kukkala awo.” Yaa.

¹²⁴ Mpawo, “Ii mubili ngo kandibambila Mebo,” mubili wa Mwami Jesu Kristo, kabambwa kuba ansi kwiinda Baangelo kuti kalabila lufu; alimwi taakwe umbi cita nguonya Sijulu wa Majulu, Kristo; Sibwami wa Luumuno, Mwaami wa bami, Mwami wa mwami, Mulengi wa nyenyeezi yonse mu mwaakwe mbouzulwa.

¹²⁵ O Leza! Wa kaba ansi kwiinda bulenge Bwakwe, kutegwa Ka konzya kunununa muntu (uutakwe muunzi, muntu utakonzyi kuli mamela), a kubapa muunzi ku Julu. Wa kasiya bulemu bwaku Julu. Wa kasiya Zina lyaatala maningi lyakali kukonzya kwitwa. Alimwi cindi Na kali aa nyika, bantu baka Mu pa zina lyaansi maningi ndyoba kakonzya ku Mu pa, kati, “Wa kali muvwanda wa musokwe, ku kutalika.” Kazyalilwa mu cilido cabanyama, kavungailwa mu zisila zyakazwa ku jokwe lya ng’ombe. Taakwe busena bwakuya, taka jisi muunzi wa kuunkako. Elyo wakaitwa kuti “Beezebule,” mupati wa madaimona. Wa kanyansigwa. Wa kaswidwa mate. Wa ka fubaazigwa. Wa kakakwa, nkabela wakaunka ku malindi aansi maningi, a kuselemukila kuli “I basibwaamu babyaabi maningi.” Nce ncico bantu ncobaka Mu citila.

¹²⁶ Pele Leza waka Mu sumpula loko atala cakuti Walo weelede kulilangila ansi Julu. Bantu baka Mu bambila cuuno caansi maningi, ka Mu pa busena bwiinda kubija, zina lyaansi maningi. Leza waka Mu sumpula a ku Mu pa Cuuno caatala maningi, a Zina lyaatala maningi. Olo ndo lwaandaano bantu ndoba kacita ku Mwana wa Leza, a ceeco Leza nca kacita a Mwana wa Leza.

¹²⁷ Wa kaubauka, kutegwa katu sumpulwa. Wa kaba ndiswe, kuti kwinda mu luzyalo Lwakwe tukabe Nguwe. Wa kaboola kuli batakwe muunzi, akuba uutakwe muunzi Lwakwe, kutegwa tube a muunzi. Wa kaciswa a kubambwa mulwazi Mwini, kutegwa ka tuponesegwa. Wa kasika kuli sizibi, “alimwi kubambwa cibi, Mwini,” kutegwa katu futulwa.

¹²⁸ Ta cigambyi Wa kasumpulwa. Ta cigambyi Ngu Oyo Uliko sunumasiku. Leza waka Mu sumpula, alimwi zyonse inguzu ku Majulu a anyika zipegwa kuli Nguwe.

¹²⁹ Cindi mulimo Wakwe wanyika niwa kamana, ano a nyika . . . Wa kasika ku nyika, Mbwa kacitila biyo obo, nyenyeezi yaku bucedo yaka Mu tondezya kuba Mwana wa Leza. Wa kazunganya dyabulosi onse oyo Ngwa kaswaana. Lilelekwe Zina lya Mwami! Madaimona akakankama a kuzungana, a kulombelela luse, mu Busyu Bwakwe. Iiyi, munene. Yonse gehena yakaziba kuti Wa Ka lini.

¹³⁰ Wakeenda calubombo, Ta kajisi busena bwa kulazika mutwe Wakwe, aa busiku bwamvula maningi. I banyama mbabonya Mba kalenga, “I bayuni bakujulu bali jisi ziteente, a bamwaaba

bali jisi malyango, pele Mwana wa muntu ta jisi busena bwa kulazika mutwe Wakwe ulelekedwe.” Masimpe, Mbwa kabede.

131 Wa kaba cibi, wakaba aansi a kusiigwa. Pele madaimona akalizi Oyo Mbwa kabede. Ba lombelela luse. Ba kati, “Nkaambonzi Wa boola kutupenzya cindi kacitana kusika.” Elyo kuciindi bakambausi nibakali ku Mwi ita kuti, “Beezebule,” musondi; madaimona ka Mwi ita kuti, “I Mwana wa Leza mumi,” a kulombelela luse.

132 Oh, obo mbo tukonzya biyo kwiima aniini buyo! Nduweni yebo, nekuba? Ino eyo ncito njo jisi yaamba nzi? Na ino eyo ng’anda niini njo jisi yaamba nzi? Ino oyo mootokala waamba nzi ngo tujisi?

133 Musimbi muniini mubotu, muntu muniini wanciki, ino kucitanzi oko kulanga kuniini nko jisi lino? Nywebo nobaalumi bakubusyi bajisi masusu, abalama malondo, mazwi atonkomene; uyo diimana buzubabumwi, cindi wakoongola nkambo kakukomena.

134 Pele, alekwe Mwami! Yebo ujisi buntu bwaka zyalululwa. Uya kupona kwalyonse a lyonse, nkaambo Wa kaba nduwe, kutegwa kwiinda mu luzyalo Lwakwe ukabe Nguwe, akubamba busena bwako.

135 Oh, swebo notu yeeya kuti tu jisi kucinca kwa zisani, a zyakulya akubelesya mu ng’anda, ndiswe bani? Leza inga wa cikonzya kucitola mukavwalu. Kuyoya kwako nkoonya kujiswi mu janza Lyakwe. Alimwi Walo akati kesu kukuponya baciswa, ku kwaambilizya a kutaminina, a kwaamba zyakumbele, a kulondoka cindi coonse. A kubikkila maanu loko nokuba kubusya nswi yakafwide kujokela ku buumi bwayo alubo, akati kesu. Jehova katu zungulikide, Jehova muli ndiswe, NDIME oyo mupati singuzu.

136 Cindi Na kafwa, ba kayeeya kuti baka Mu jata. Wa kaselemukila mu gehena. Cindi Na kasiya nyika obuya buzuba cindi Na kabambulwa, Wa kaunka mu zilao zya basweekede. I Bbaibbele lyakati, “Wa kaunka akukambaukila myuuya yakali mu ntolongo, yata keempwa ku kukkazikamoyo, ku mazuba aa Nowa.” Cindi Na kafwa, nkabela Muuya Wakwe waka Mu siya, Wa kaba Logosi alubo. Walo, Nda bona, kati, “Nda kazwa kwa Leza. Ndi pilukila kuli Leza.”

137 Alimwi Leza wakali oyo Musumpululu wa Mulilo waka sololela bana mu nkanda. Alimwi cindi Na kali ano a nyika. . . Elyo cindi Na kafwa, Wa kasanduka kuba Mumuni alubo. Paulo waka Mu bona, nkabela Wa kali Mumuni. Taakwe umwi wabo waka Mu bona. Ba kabona Paulo kawa. Cintucimwi caka muuma, elyo Wa kali Mumuni. Paulo wakati, “Nguni Oyo Ngwe penzya?”

138 Wa kati, “Saulo, Saulo, nkaambonzi nco Ndi penzya?”

Kati, “Nguni Oyo?”

139 Wa kati, “Ndime Jesu, oyo ngo penzya, nkabela nciyumu kuli nduwe kusansa cibinzyo.”

140 Mpawo wa kaunka a kuyoiya oyo Mumuni. Paulo waka jokela mu Bbaibbele, kuziba oyo Mumuni mbowa kabede. Elyo wa kalemba Lugwalo olu. Ngu Jehova nguonya. Oyo Mumuni nguonya wakali mu nkanda a bana ba Israyeli. Elyo cindi Petro nakali mu ntolongo, Wa kali Mumuni oyo waka njila a kujula milyango.

141 Elyo ku luzyalo Lwakwe, kutegwa kutakabi umwi uyooba a ntamizyo imwi. . . Oh, ikuti na baka konzya kuluba batumwa bata yiide, a kuyeeya: tali mutumwa, walo Mulumbe. Wa kaseluka alubo, a ndiswe, mu ciwa ca Musumpululu wa Mulilo. Elyo Wa keenda a maleele Akwe ngaonya a zitondezyo, taakwe cintu cakaimpene mu Bbaibbele; kakkala ncobeni a Bbaibbele, ka cijisi kungsi lya kweendelezegwa, katondezya bulemu Bwakwe, kazibya nguzu Zyakwe. Lilelekwe Zina Lyakwe lisalala!

142 Ndi lizi muyeeya kuti Ndili nyongene; pele, oh, oko Kulyookezya kulelekedwe Kutamani kuli mu buntu bwangu. Nekubakuti maguwo mapati apilauka, inkasi yangu ila jata mukati ka cisitilizyo.

143 Elyo ku Mu bona cindi Na kafwa, mane, mweezi wakaba akunyongana. I zuba lyakabbila akati ka masakati. Alimwi cindi Na kaunka ku zilao zya basweekede, [Mukwesu Branham wakonkomona ziindi zyone aa cikambaukilo—Mul.] kakonkomona aa mulyango, nkabela mulyango wakavuumuka kujuka. I Bbaibbele lyakati, “Wa kakambaukila basweekede bakali mu ntolongo, abo bata keempwa mu kukkazikamoyo mu mazuba akwa Nowa,” Na kafwa mu nyika eyi. Mukwesu wangu, mucizi wangu, cindi Na kafwa, mulimo Wakwe waanyika waka citwa, pele Walo ucibeleka. Alimwi Walo ucili aa ncito sunumasiku. Amenii.

144 Wa kakonkomona aa milyango ya basweekede. I Bbaibbele lyakati Mbwa kacita. Alimwi Wa kapa bumboni, “Ndili Lunyungu lwa mwanakazi. Ndime Oyo Adamu ngwa kaamba. Ndime Umwi oyo Enoki ngwa kaamba kuti uya kuboola a zyuulu zili kkumi zya basalali Bakwe. Ndili Mwana wa Leza muumi, nkabela mwa kabisia kusakana kuzwa ku buzuba bwano bwa luzyalo. Pele kwaka sinsimwa kuli ndinywe, kwinda ku baangelo, Enoki, Nowa, kuti Nde elede kusika kuzo zulizya Ijwi lyonse lya Leza lyamu Bbaibbele. Ndili waano mbuli kamboni muli eyi ‘nyika ya basweekede.’” Elyo Wa kaba kambaukila.

Kuselemukila mu gehena Wa kaunka, kungsi kwini ku milyango ya gehena, waka konkomona aa mulyango. I dyabulosi wakajula mulyango, kati, “Nda Ku jata lino.”

¹⁴⁵ Kanyukaanya zijaluzyo kuzwa ku lubazu lwakwe, kati, “Yebo dyabulosi, wa kajata ako kooze kwa ciindi cilamfu.” Nceeci we, moonya omu mu Bbaibbele. Nda cisika mu kaindi kaniini. “Yebo waka jata kooze kwa ciindi cilamfu, pele Nda boola kutola bweendelezi.” Kakwempa ezyo zijaluzyo a kumu bbompa kujokela mukati, a kujala mulyango.

Boola mukati a kubweza Abrahamu, Izaka, a Jakobo. Aa buzuba bwatatu Wa kabuka, nkabela abalo bakalede mu cuumbwe baka buka a Nguwe. Oh, aleluya! Ta cigambyi sikweema ncakati:

Mukupona, Wa kandiyanda; mukufwa, Wa kandifutula;
Mukuzikkwa, Wa katola zibi zyangu kulaale;
Mukubuka, Wa kalulamika cabuyo kwalyonse,
Buzubabumwi Uya kuboola, oh, Buzuba bulemu.

¹⁴⁶ Kalelekwa kaanzyo ka swaanganya myoyo yesu a luswaanano lwa Bunakristo, luyandisyo lwa Leza. Cindi Na kabuka, Ta kalina manizya, pe. Wa kacili jisi mulimo umbi wakucita.

¹⁴⁷ I Bbaibbele lyakati, “Wa katanta Kujulu a kupa zipego ku bantu.” Kwakali mulengalenga wakali kulengelela atala aa nyika, bwa mudima, bwa kusiyasiya, bwa lufu, a kudekela. I mipailo ni yakakonzya kutanta, nkaambo Mulungo tee wakalina bambwa. Pele, Wa kadonkola kwiinda mu cisitilizyo eco. Wa kajula nzila. Wa kadonkola cisitilizyo ca malwazi. Wa donkola cisitilizyo ca cibi. Wa kadonkola cisitilizyo ca kudekela. Wa kadonkola cisitilizyo cakuusa kupati. Wa kadonkola cisitilizyo conse, akubamba mugwagwamupati wa basinyendo, beenda kutanta mugwagwamupati wa Mwaami. Oh, ma, cindi Na kaindilila mweezi a nyenyeezi, kuyabuya a kuyabuya!

¹⁴⁸ Kabatobela, kusule Lyakwe, kwakasika basalali ba Cizuminano Cakale, Abrahamu, Izaka, a Jakobo. Ba kaunka atala eni mu majulu aa Julu. Cindi nibakatantamukide kuzwa ku Munzi, Nda konzya kubabona kaba tambya meso abo. Abrahamu wakati, “Oyo ngo Munzi Ngwe sukamina kubona. Oh, boola okuno, Izaka. Boola okuno, Jakobo. Oh, tuli bamuzwamasi a beenzu ba nyika, pele ngooyo Munzi. Ngooyo Umwi ngo twa kali kulindila.”

¹⁴⁹ Alimwi Bbaibbele lyakati bakaompolola kuti, “Amusumpule, nywebo milyango iteeli, alimwi amu sumpulwe, nkambo Mwaami wa Bulemu uli mukuboola mukati.”

¹⁵⁰ Alimwi Baangelo kunze lya milyango bakakwiila kuvwiila abo baangelo kusule awa, a kuti, “Nguni oyu Mwaami wa Bulemu?”

¹⁵¹ Elyo baangelo abusena awa, basinsimi, bakati, “I Mwami wa Makamu, Singuzu mu nkondo.”

152 Elyo ba katyanka mabbatani nkabela mulyango mupati wa vuuluka kujuka. Mpoonya ansi kwiinda akati ka tugwagwa Wa kasika, Muzundi, kazunda, a basalali ba Cizuminano Cakale kabeenda kusule Lyakwe. Kakkala aa Cuunocabwami, kati, “Taata, mbaaba we. Mbi Bako.”

153 Wa kati, “Tanta awa a kukkala, kusikila Ndi bambe boonse basinkondo Bako kuba mitandabilo ya mauulu Ako.” Mbuli mbo tubala, tula jana awa mu Lugwalo. Yaa.

154 Amuswiilile. Lino kuti tuli a kampango aka ka 8:

Mpawo wa ka bikka zintu zyonse mu kweendelezegwa kungsi lya matende akwe. Nkambo . . . wa kabikka zintu zyonse mu kweendelezegwa kungsi lya matende akwe, ta kasiya cintu cata kali . . . kungsi lyakwe. Pele lino ta tuboni . . . zintu zyonse kubikkwa kungsi lyakwe.

Nkokuti, lufu. Ta tuboni lufu, pe, nkaambo tu cifwa. Tula lubona lufu.

Pele, kampango ka 9, “Pele tula mubona Jesu!” Ameni. Amuswiilile.

. . . tula mubona Jesu, oyo wakabambwa kuba ansi kwiinda baangelo ku kupenga lufu, kusamikwa musyini wa bulemu a lulemeko; kuteeti ku luzyalo lwa Leza kalabila lufu lwa muntu onse.

Nkaambonzi Nca kabambilwa kuceya kwiinda Baangelo? Kutegwa Ka labila lufu. Wa kacita kufwa. Wa kacita kusika, ku zoofwa.

155 Langa awa, mweenzuma. Uta, soli kuluba ceeci. Cindi Jesu nakali kuyabuya, keenda kutanta cilundu, lufu lwakali kumvwiima konse ku mutwe Wakwe.

156 Atu bweze cifwanikiso cesu caku Jerusalemu, myaka ili zyuulu zyobilo zyakainda. Alimwi mbobuti mbo konzya ku Ci kaka? Nda mvwa coongo kwiinda mu kagwagwa. Ino ncinzi? Nku kwenauka kwa cintucimwi. Calo nciingano cakaindi cigalankene kaciseluka, kuya ku milyango ya Damasiko, kugwenauka mu mabwe aabbalashi. Alo mabwe mapati abbalashi nkwa cili. Kugwenauka atala lya aya mabwe mapati abbalashi, bbampu kapati. Nda bona kupoomoka kwa Bulowa mu kagwagwa. Ino ncinzi? Walo muntu wataka cita ubi; taakwe cita cibotu. I bantu bakali ofweede. Teeba ka Mu zyi. Teeba ka Mu ziba.

Nywebo mwati, “Boofu? Sa bakali jisi kukubona kwabo?”

157 Ula konzya kocijisi kukubona kwako kakuli uliofweede. Ula syoma eco? I Bbaibbele lyakaamba boobo. Ulayeeya Elisha kumusanza kwa Dothani? Wa kaunka akuuma bantu kofwaala, kati, “Lino amundi tobele.” Ba kali ofweede kuli nguwe.

158 Nkaako bantu mboofu sunumasiku. Ii mbungano imwi eyo ita syomi mu kuponesegwa kwa Buleza, keenda kumbele lyangu ciindi cimwi, a kuti, “Konduumu ndofwaale. Konduumu ndofwaale.” Kwakali ku ng’anda ya Mukwesu Wright. Kati, “Konduumu ndofwaale.” Kati, “Paulo wakauma muntu kofwaala, ciindi cimwi.” Kati, “Konduumu ndofwaale.”

159 Nda kati, “Mweenzuma, dyabulosi waka kucita kale. Uli moofu kale. Masimpe, mbo bedede.”

160 Wa kati, “Ponya musimbi oyu muniini nkabela Njo kusyoma.”

161 Nda kati, “Vuna ulya sizibi nkabela Njo kusyoma.” Nincobeni.

162 “Oh,” wa kati, “wa kacita kusyoma.”

163 Nda kati, “Cintu nciconya awa, ceelede kuboola kwiinda mu luzyallo lwa Leza lulyeendelezya.”

164 I dyabulosi, i—i kaleza ka inyika eyi, kaofwaazyama meso aa bantu. “Bali jisi meso pele taba konzyi kubona,” Bbaibbele lya kaamba.

165 Ngooyu Mbwa kabede, katanta kagwagwa, kakwela mano amatende azwide Malowa katanta mugwagwa. I *nzuki* ya lufu yakali ku Mu luma koonse, kinzwiima kuli Nguwe, “Kaindi buyo kaniini nkabela Ndila Ku jata.” Wa kali kuya bukompama, kafwakembela maanzi.

166 Nda kadubulwa ciindi cimwi, nkelede awa mu muunda, bulowa kabu poomoka ncobeni kuzwa kuli ndime. Nda kakwiilila maanzi. Elyo mweenzuma wamunsi wakazuza, kabweza ngowani yakwe a kwiinika mu maanzi; ateendi akaindi, zivunyangula mu maanzi. Kaboola, nkabela Nda kaasamuna mulomo wangu; wa kakanya eyo. Nkaambo, bulowa bwakali kufaamuka mbuli kasensa, oko Nkwe kadubulwa mu tubeela a ntobolo. Nkefwanyota!

167 Mpawo Nda kaziba obo Mwami wangu mbwa keelede kulimvwa, nakamana kuzwa bulowa cifumo eco coonse, kuzwida naini okuloko kusika thrii okuloko ku mangolezya, kasweekelwa boonse obo Bulowa. Nda bona cikobela Cakwe, lutanzi, mbuli zibata ziniini ali ncico. Elyo zyoonse zyaa talika kukomena loko a kuswaangana antoomwe, kukupanga cikoto comwe cipati loko ca Malowa maningi, kaci Mu uma ku kuulu mbuli Mbwa kali kweenda konse. Obo bwakali Bulowa bwa Emanueli. Oh, nyika tiyakali kweelela kuli Mbubo.

168 Pele mbuli Mbwa katanta, eyi *nzuki* kai Mu luma konse. Ino yaka citaanzi? Kumalekelo yaka Mu luma.

Pele, mukwesu, uli onse ulizi, kuti kauka na *nzuki*, ikuti na yasola kukuluma lomwe, oko nkumanizya mulimo wa kuluma. Ta ikonzyi kuluma limbi. Nkaambo, cindi yazwa, isomona lumoola lwayo.

Ako nkekaambo Leza wakacita kuba mu mubili wabuntu. Wa kabweza lumoola lwa lufu mu mubili Wakwe, alimwi Wa kasomona lumoola kuzwa ku lufu. Lilelekwe Zina Iya Mwami! Lufu inga lwavuuma a kuluma, pele talu konzyi ku kunyonganya.

¹⁶⁹ Paulo, cindi na kamvwa eyo *nzuki* kaivuuma kuli nguwe, lufu lwakali kuboola nconzyo. Wa kati, “O lufu, luli kuli lumoola lwako?” Wa kakonzya kutondeka ku Kalivari oko nkolwa kasyaala mu mubili wa Emanueli. “Luli kuli luzundo lwako? Pele kulumbwe kuli Leza oyo waka tupa luzundo kwinda mu Mwami wesu Jesu Kristo.” Iiyi.

¹⁷⁰ Ta tuziboni zintu zyoonse.

Pele tula mu bona Jesu, oyo wakabambwa kuceya aniini kwiinda baangelo nkambo...kapenga ku lufu,...

Nkambo ca keelela kuli nguwe, nkambo kuli nguwe zyonse—zyonse zintu, kuti kuli nguwe tuli jisi zyonse zintu, ku i kutalika...bana banji...alimwi a kubambwa i silutwe wesu mupati wa lufutuko lwesu... kwiinda mu kupenga.

I nzila biyo Nja kakonzya kuba Silutwe wa lufutuko lwesu, Wa kacita kupenga.

¹⁷¹ Amuswiilile ku Majwi aya mabotu awa lino. Lino amuswiilile.

Nkambo oyo usalazya a baabo basalazigwa boonse bali...bomwe:...

Oh, sa tamuboni Musaansa a Mutabi awo? [Mbunga yaamba, “Ameni.”—Mul.] Bonse Bomwe.

...nke kaambo tafwi nsoni kubaita kuti bakwesu, Mwabona? Nkaambonzi? Amuswiilile, kampango kacilila.

Kwaamba, Njo lungulula zina lyangu ku bakwesu bangu, akati ka mbungano Njo imba ntembauzyo kuli nduwe.

Alimwi alubo, Njo bikka lusyomo lwangu muli nguwe. Elyo alubo, Amubone Mebo a bana abo mbo kandipa.

Cakuti mpawo mbuli bana mbo bali basizyaabulo kuli zyakunyama, awalo mwini mbubonya wakabweza cibeela ca mbubo; kuti kwinda i mu lufu kakonzya kumu nyonyoona oyo ujisi nguzu zya lufu, nkokuti, dyabulosi;

A kubavuna abo kwinda...nkambo i...kwinda... nkambo lufu lyonse lwakabambwa kwendelezegwa ku bwaange.

¹⁷² Muntu waka luyoowa lufu lyoonse. Kristo wakaba cibi, kabambwa kuba ansi, kutegwa kalibwezela lufu Mwini. Elyo Ta fwi nsoni ku kwiitwa kuti “Mukwesu,” nkambo Wa

kasunkwa mbubonya buyo mbuli ndiswe mbo tusunkwa. Alimwi Ula konzya kubamba i . . . kuba musyobo weedelede wa sikukombezeza, nkaambo Wa kazunda musyobo nguonya wa sunko eelyo ndo muzunda. Alimwi Wa kabweza busena bwanu, mukuziba kuti taka konzya kububweza mwini.

173 Aboobo, sa toboni, mukwesu, mucizi? I cintu conse nduzyalo. Coonse ca ncico nduzyalo. Ta cili ceeco ncomucita, nekuba. Calo nceeco Nca kamucitila kale. Lino, to konzyi kucita cintu comwe ca bweelelo lwa lufutuko lwako. Lufutuko lwako ncipego. Kristo wakaba cibi, kutegwa mube balulami. Alimwi Walo musyobo uululeme wa Silutwe Mupati ku lufutuko lwesu, nkaambo Wa kapenga mbubonya mbo tupenga. Wa kasunkwa mbubonya mbo tusunkwa. Elyo Ta fwi nsoni kwiitwa kuti “Mukwesu wesu,” nkaambo Walo ulizi motwiinda. Oh, lilelekwe Zina Lyakwe!

Nkambo ncobeni ta kabweza ciwa ca baangelo; pele wa kaba lunyungu lwa Abrahamu.

174 Oh, ma! Ta kaba Angelo. Wa kaba Lunyungu lwa Abrahamu. “Elyo swebo, mukufwa muli Kristo, wakaba Lunyungu lwa Abrahamu, alimwi tuli baswaana kweendelena ku cisyomezyo.” Mwabona? Ta kasama ciwa ca Angelo. Ta kasama Angelo. Wa kaba Muntu. Wa kaba Lunyungu lwa Abrahamu, nkabela waka bweza lumoola lwa lufu mu mubili Wakwe Mwini, ku kutuyanzanya kupilukila kuli Leza, elyo lino uli kkede awo kukuba Sikukombezeza. Ma, mbobuti mbo tukonzya ku Mu kaka, mweenzuma?

175 Amuswiilile.

Nkikaako mu zintu zyonse cakeelela kuli nguwe kubambwa mbuli babunyina, kutegwa akonzye kuba mupaizi mupati siluse a usyomeka mu zintu zijatikizya Leza, ku kubamba luyanzano . . . i cibi ca bantu.

176 Kutegwa Walo kaba Sikuyanzanya! Mwabona, kwakali nkondo akati ka Leza a muntu. Elyo taakwe muntu . . .

Ba katuma baangelo, basinsimi. Teeba kakonzya kubweza busena bwanu, nkaambo baka cita kuli kombela beni. Teeba kakonzya kubweza busena.

177 Mpawo, Wa katuma mulao. I mulao wakali musilikani waka tubikka mu ntolongo. Tii wakakonzya ku tugusya. Wa katuma mulao.

Wa katuma basinsimi, Wa katuma mululami, a zintuzyonse, takakonzya kubamba mulungo. Pele Wa kaselukka akuba umwi wesu. Oh, ma!

178 Ni twali jisi ciindi cinji ndyoonya lino, Ndi yanda ku mutola kuli oyo mulao wa lununuko; pele ta tujisi, pele asyoonto buyo. I cifwanikiso cibotu cili muli Rute a Naomi. Ikuti na mula bona awo, luyanzano, nzila oyo mukamwini muunda, muntu oyo wa keelede kunununa wakasweeka a lubono lwa

sikwaazwa, kwakacita kuba basikamukowa ku muntu oyo wa kasweekelwa lubono. Nke kaambo Boazi wakacita kuba ii. . . wakali sikamukowa kuli Naomi, kuti kakonzya kubweza Rute. Elyo mpawo, wa kacita kweelela. Wa keelede kukonzya kucicita, kunununa usweekede. Elyo Boazi, ku mulyango, wakapa bulunguluzi kubuleya, kwinda kukugwisya insangu zyakwe, kuteeti wa kanununa Naomi a lubono lwakwe loonse. Elyo wa kacita kuba sikamukowa.

¹⁷⁹ Alimwi nkekaambo kakuti Kristo, Leza, wa kacita kuba sikamukowa kuli ndiswe. Elyo Wa kaseluka nkabela wakaba Muntu. Alimwi Wa kapenga masunko. Alimwi Wa kasekwa, ka fubaazigwa, a kupenzegwa, a kutabikkilwa maanu, a kwiitwa kuti “Beezebule,” alimwi—alimwi wakasabulwa, alimwi wakapenga calufu kungsi lya cisubulo cakufwa. Mwabona? Wa kacita kuba sikamukowa kuli ndiswe. Wa katamikizigwa cabubeji, nkaambo mula tamikizigwa cabubegi. Wa kacita kuyumuna malwazi, nkaambo mula ciswa. Wa kayumuna zibi zyesu, nkaambo zyakali zibi zyanu. Alimwi Wa kaba sikamukowa. I nzila ilikke Nja kakonzya kutu nununa yakali yakuba sikamukowa kuli ndiswe. Alimwi nzila Mbwa kaba sikamukowa, yakali ya kwinda kukuba a ciwa ca mubili wazibi a kuba umwi wesu. Elyo muli ceeco, Wa kabbadela muulo a kutu nununa kujokela mu luswaanano lwa Taata. Oh, ino Mufutuli! Majwi takakonzya ku cipandulula.

*Nkambo muli ceeco lwakwe wakapenga mu
kweendelezegwa, . . . a kukonzya kugwasya abo
basunkwa.*

¹⁸⁰ *Kugwasya* caamba “kweetelela.” Kutu, kaambo Nca kabeda *boobu*, kutegwa Ka konzya kuba sikweetelela kuli ndinywe nomu. . . nomuli mu ziindi *zibotu* a *zibbi*, ku *zamba* a *kunyona* kwako kusyoonto, a masunko anu alaindila kukomena loko cakuti takonzyi kwaazunda. Uli zyi nzila ya kweetelela kuli ndinywe. Uli kkede awo, kuti kabamba nkombelezyo. Uli kkede awo, ku kumuyanda. Elyo nekuba kuti mwaleya, Ta kamusiya. Uciya kumutobela a kukonkomona aa moyo wanu. Takukwe sikuwa mu buyake pele oyo uuzi kuti Leza ula konkomona ku moyo wakwe lubbe. Elyo Uya kucicita kufumbwa kuti koli muntu uufwika aa nyika eyi, nkambo Wa kakuyanda. Wa kakunununa.

¹⁸¹ Sikweema wakoopolola, balembi balasola, muntu ulasola kupandulula oyo muzeezo mupati wa “luyandisyo,” alimwi tabu konzyi kujanwa mu bupanduluzi bwabuntu. Umwi wakati:

Oh, luyandisyo lwa Leza, obo mbu luvubide a
kunjoloma!
Obo mbolu tapimiki a lwanguzu!
Luyo kkalilila kwalyonse,
Lwiimbo lwa basalali a Baangelo.

Ikuti na swebo a inki lwizi kaluzwide,
 Alimwi milengalenga yakapangwa kuba
 cilembelo;
 Cikuba conse aa nyika kuba cilembyo
 camulimba,
 Alimwi muntu aumwi kuba mulembi ku ncito;
 Kulemba luyandisyo lwa Leza aatala
 Inga kwapa kuyuminina kwa lwizi;
 Na kukonzya kuzuzya pepa damfu lyonse,
 Nekubakuti alandamunwa kuzwa ku
 mulengalenga kusikaku mulengalenga.

182 Tamu kamvwisyi. Takukwe nzila ya kumvwisya oko kulituula kupati, Nkwa kacita, wakaseluka ansi a kutuyanzanya kupilukila kuli Leza. Mpawo Wa kajokela a kuti, “Lino, Nse kamusiyi kamuli bamusyaala. Njo boola alubo akuba a ndinywe, nomuba muli ndinywe, kusikila kumamanino aa inyika.”

183 Elyo mpaawa mpotubede sunu, katupona mu ciindi camamanino, a nguwenya Jesu, zintu zyoonya, zitondezyo nzyoonya, zigambyo nzyoonya, lufutuko ndoonya, Muuya nguonya kaucita zintu nzyoonya, Makanimabotu ngaonya, Ijwi ndilyonya, bupanduluzi bubonya, kutondezegwa nkoonya, zintuzyonse. Ta tweeleda kuunduluzya olu lufutuko lupati, nkambo tuya kupa bwiinguzi, buzubabumwi, a ceeco nco tucita ku Mwana wa Leza.

184 Uli mu janza lyako sunumasiku, sizibi, sikuwa. Ino uya kucita nzi a Nguwe? Yebo wati, “Ee, Njo Ci tantamuna.” Pele, koyeeya, uta citi ceeco. Takukwe nzila, pee, ikuti na nduwe sizibi, cakuti inga wakonzya kusiya buyake obu a kuba mbobede. To konzyi kucicita.

185 Pilato, busiku bumwi, waka soleka kucicita. Wa kaitila maanzi nkabela wa kasanzya maanza akwe. Kati, “Nse jisi cintu cakucita a Ncico. Nda cita mbubonya kuti nsena Ci bona. Nse na amvwa Makanimabotu. Ta ndiyandi cintu cakucita a Ngawo.” Sa wakakonzya ku Ci sanzya kuzwa ku maanza akwe? Ta kakonzya.

186 Kumalekelo, mulizi eco cakacitika kuli Pilato? Wa kasondoka. Elyo kutala mu Switzerland, oko nko twa kabede mwaka wainda, kuyo kambauka Makanimabotu, lino kuli kaano kansiku kaamba, kuti, kuli ciziba ca maanzi okuya, oko bantu kuzwa ku inyika yonse, nkoba langilila, mwaka aumwi, ku ciindi ca kubambulwa. Pilato, wa kalidumpukizya mu lufu mwini, kwinda kukulijaya, kasotokela mu maanzi aya a kulinyikizya mwini. Elyo mwaka aumwi, ku buzuba obo mbubonya, maanzi abbulu alabila kuzwa mu ciziba eco, kukutondezya kuti Leza wa kaakaka maanzi. Maanzi taakonzyi kusanzya Bulowa bwa Jesu kuzwa ku maanza ako na buntu bwako. Kuli nzila yomwe biyo ya kucicita, eyo nja ku Bu zumina mbuli kujatilwa kwacigaminina a kuyananzisigwa kuli Leza.

Atu kombe.

187 Taata Wakujulu, twa Ku lumba sunumasiku nkambo ka Ijwi. “Nkambo lusyomo lulasika ku kumvwa, nkabela kumvwa Ijwi.” Twa Ku lumba nkambo ka Jesu. Elyo mbuli mbo tubona buzuba obu bupati mbo tuPONAMO, nzila zitondezyo a zigambyo, obo mbo tulekela zintu ezi ku tusupuka. Leza, kojula meso aa bantu mu cikombelo eci, sunumasiku, kutegwa bakonzye kubona akumvwisya kuti tuli ku maora akumamanino. I ciindi ciya bumana. Ta tujisi kukkala kulamfu kwakuba ano, elyo tuya kweelela kubona Jesu. Elyo tuya kubalwa kuba basimusunzyanya, nkambo takukwe ntamizyo. Cifumo cino, cindi Yebo nopa eco cilengaano, cipati canguzu, ica muntu oyo kaboola okuno, kuzwa ku cisi cili kulaale; a ku mubona, kwindilila cimvule ca kuzumbauzya, kubuka kuzwa mu whiluceya eyo, katambula kukubona kwakwe. Maulu akwe atoma, kuselemukila mu buyake, kasekelela a kulumbaizya Leza. Ci tondezya kuti Leza ucikonzya ku busya mabwe aya kuba bana iba Abrahamu. Ku bona zilengaano, mbuli Jesu mbwa kaamba, “Nse citi cintu kusikila Taata wa Ndi tondezya. Nse konzyi kucita cintu.”

188 I moofu waka Mu tobelala, a kuti, “Kotu fwida luse.”

189 Wa kati, kaguma meso akwe a kuti, “Mbuli ku lusyomo lwako, akube kuli nduwe.”

190 Lino, Mwami, tula mubona Jesu. Ta tuboni zintu zyonse. Tula bona kuti tu citola basalali besu ku cuumbwe, a kweenda atala lya cuumbwe caumwi aumwi. Pele tula mubona Jesu, oyo wakapanga cisyomezyo. Tula Mu bona kuba aswebo. Kutali Jesu mu cuumbwe, kutali Jesu wa myaka ili zyuulu zybilo zyakainda; pele Jesu sunumasiku, uli a ndiswe. Tula Mu bona katondezegwa muli zyonse nguzu, a zitondezyo, a zigambyo Zyakwe.

191 Leza, akube kuti tu taunduluzyi olu Lufutuko lupati. Pele akube kuti tu Lu bukate, aku Lu tambula, kuba babateme, a kuponena kuli Ndulo kusikila buzuba obo Jesu mbwa boola kuzo tutola ku Muunzi. Ko cipa, Mwami. Twa cilomba mu Zina Lyakwe.

192 Elyo kuciindi notu kotamikide mitwe yesu, Nda libuzya na kuli muntu mu buyake sunumasiku, uli kungsi lya Busyu bwa Buleza ibwa Muuya Uusalala, inga wati, “Mukwesu Branham, Nda lamwa kuti Nse luzi. Nda lamwa kuti Nse luzi. Leza wandi yubunwida zibi zyangu. Elyo Ndi lizi kuti Nse luzi. Ndila tambika janza lyangu kuli Nguwe a kulombela luse, sunumasiku. Leza, koba siluse kuli ndime. Nse luzi.” Sa inga wacita ceeco?

193 Kuciindi notu lindila aniini, ikuti na kuli muntu awa uyanda kucita, kuli kubbizigwa kuya kucitika mu kaindi buyo kasyoonto. Alimwi ikuti na nduwe sizibi, inga Ndati koempwa. Mbobuti mbo konzya kukaka luyandisyo lutakwe bweezyanisye

Iwa Umwi wa kafwa? I Leza uusalala waku Julu wakaba Muntu mubi; kutali kuti Wa kabisiya, pele nkaambo Wa kajisi zibi zyako, a ku ziyumuna aalya aa Kalivari. Elyo sena tokoku zumina oko kujatilwa? Sena toko cicita sunumasiku? Kuciindi notu kotamikide mitwe yesu, umwi wati, “Kondi yeeya, Mukwesu Branham. Nda tambika maanza angu kuli Kristo, a kuti, ‘Koba siluse kuli ndime. Nse, Nse luzi, alimwi Ndi yanda kuyananzisigwa kuli Leza.’” Sena inga watambika janza lyako?

Yaa, ikuti na boonse Mbanakristo, nkokuti, atu kombe.

¹⁹⁴ Taata, twa Ku lumba sunumasiku, kuti boonse omuno Mbanakristo, kuti bapeda bumboni mbubonya mu kuumuna, kuti zibi zyabo zyonse zili kungsi lya Bulowa. Elyo Ndili lumbide kapati kuli ceeco. Ba longezye, Mwami. Oh, Ndili kkomene kapati kuti baka jana luyanzano kwiinda mu cipaizyo ca Bulowa, kwinda mukumvwa Ijwi. I kusanzigwa ku maanzi, ku Ijwi, Lila tusalazya. Li tuleta ku busena bulemu maningi, oko—oko sizibi, a mudima wakwe mubi, nkwa bambwa kutuba mbuli caanda. I mbata zisalalapyu zya cibi zyaka sanzigwa, nkabela tuli zilenge zipya muli Kristo. Obo mbo tu cilumba eco, Yebo, kuli ceeci.

Lino mulimo wa lubbizyo ulaboola. Ndi mvwa kuti oyu mulindu mukubusyi, sunumasiku, ula bbizigwa okuno, mu Zina lya Mwami wakwe.

¹⁹⁵ O Taata Wakujulu, twa Ku lombwa kuti ulongezye oyu mwanakazi mukubusyi. Obo mizeezo yangu mboi jokela ku mazuba masyoonto buyo ainda, kuboola mu Henryville a kubona oyo musimbi muniini mubotu keenda onse awo a kagwagwa. Elyo sunumasiku, walo mutumbu, mulindu. Waa Ku zumina mbuli Mufutuli wakwe wacigaminina. Buumi bwakali buyumu ku mwana, Mwami, O Leza, pele Julu ndi lyakwe masimpe. Alimwi twa Ku lumba nkambo ka ceeco. Twa lombwa, Leza, kuti Uyo longezya mwanakazi oyu mukubusyi lino. Alimwi mbuli mbwasika kubbizigwa a maanzi, akube kuti Umu zuzye Muuya Uusalala wa Leza. Ko cipa, Mwami. Akube kuti buntu bwake bubotelwe ncobeni kapati, mu Majulu! Ko cipa ku bulemu Bwako. Twa cilomba mu Zina lya Jesu. Amenii.

[Kabeela katakwecintu aa teepu—Mul.]

¹⁹⁶ Ndi yanda kubala kuzwa ku Ncito, chipati ca 2; Petro kaambaula, aa Buzuba bwa Pentekoste, lubbizyo lutaanzi lwaka solwa kucitwa mu Mbungano ya Bunakristo. Petro, katapatila Bafarisi a moofu, nkambo kaku taziba Mwana wa Leza; kaambaula nzila Leza njaka Mu busya, a kutondezya milimo Yakwe, mu zitondezyo a zigambyo zipati. Amuswiili ceeci, mbuli mbwa kaamba. Wa kali kusumpula Jesu.

¹⁹⁷ Onse muuya wa Munakristo usumpula Jesu, kutali biyo ku milomo yako, pele ku buumi bwako. Milomo yako inga yaamba cintu comwe, buumi bwako bwacita cimbi. Ikuti na wacita ceeco,

ulizi mbo cibede na? Kwalo nkuupaupa. Elyo inga Nda sala kulanganya Julu mbuli sikutasyoma mubukombi kwiinda kuba sikuupaupa. Inga ndabweza coolwe cangu kabotu, Ndila syoma, ku Julu, mbuli ii—mbuli sikutasyoma mubukombi, kwiinda kuba sikuupaupa. Nda cita nconzyo... Ikuti na ulungulwida Jesu a kwaamba kuti, “Walo Mufutuli,” kopona mbuli boobo, nkaambo bantu baya ku cilangila kuzwa kuli nduwe. Mbo mbubo. Kopona mbuli Munakristo mbwa elede. Twa inda muli ceeco cifumo cino.

198 Lino, na Mwami wayanda, juunza masiku na... Bwatatu masiku, tuya kubweza eci chipati ca 3, cili nchipati cibotu kapati. Alimwi lino, amube masimpe kuboola Bwatatu masiku. Mbangaye bali mukubotelwa eli Bbuku, lya kwiiya oku kwa cikolo ca Munsondo? [Mbunga yaamba, “Ameni.”—Mul.] Oh, ndamu lumba kapati. Eco ncibotu.

199 Lino, Ndi yanda kubala lino kuzwa mu Ncito, chipati ca 2, katalikila kampango ka 32.

Oyu Jesu Leza ngwa kabusya, oko nko tuli...tuli bakamboni. (Ba kali cizyi.)

Nkikaako mukuba ku janza lyalulyo lya Leza kasumpwidwe, a kutambula kuzwa kuli Taata cisyomezyo ca Muuya Uusalala, Wa ka tila oyu, walo nywebo lino ngo mubona a kumvwa.

200 Lino amu muswiilile kaambaula kujatikizya Davida, umwi wa baangelo.

Nkambo Davida taka tanta ku julu: pele wa kati mwini, I MWAMI waka kati ku Mwami wangu, Kokkala ku janza yangu lyalulyo,

Kusikila Ndi bikke basinkondo bako ku butandabilo bwangu.

Davida taka konzya kuya kujulu; wa kali kungsi lya bulowa bwakatilwa ibwa zitole, a mpongo, a mbelele. Pele lino wa kakonzya kubuka; wa kali kungsi lya Bulowa bwa Mwami Jesu. Nkambo zyakali kwiingula biyo ku Bulowa obo cindi Ni bwakali kuyo talika kubeleka. Cindi Bulowa bwa Kristo nibwa katalika kubeleka, boonse abo bakafwide mu bwela bubotu, bakabuka, mbo mbubo, akutanta kuya mu Bulemu.

201 Lino amuswiilile.

Nkikaako yoonse ng'anda ya Israyeli izibe... (Amuswiilile ceeci)...kuti Leza wa kabamba oyu nguwenya Jesu, oyo ngo...mwakambula, kuba Mwami a Kristo.

Ino kujatikizya ceeco? Sa Walo Muntu watatu mu trinita, na Walo ngu trinita mboizulwa? Walo mbuzule mbobuzulwa bwa Buleza camubili.

202 Takukwe cintu cili mbuli Baleza botatwe: Leza Taata, Leza Mwana, a Leza Muuya Uusalala. Eco taciko nomuba mu Lugwalo, takwe amwi. Takwe amwi mpo cibede. Takwe amwi mpo twa kasola kulaililwa kubbizya, “Mu zina lya Taata, a mu zina lya Mwana, a mu zina lya Muuya Uusalala,” kwiina amwi mu Magwalo. Nkayanza kabuzumini bwa Katolika, alimwi takali ka mbungano ya Protestanti. Njo lomba umwi kundi tondezya Lugwalo lomwe awo muntu uli onse wakasola kubbizigwa mu nzila imbi ili yonse kunze lya mu Zina lya Mwami Jesu Kristo. Boola, undi tondezye, nkabela Njo bikka citondezyo kusule lyangu cakuti, “Ii sikuupaupa, a musinsimi mubeji, mwiyi mubeji,” a kwiinda mu tugwagwa. Takukwe cintu cili boobo. Kwiina umwi waka bbizigwa munzila eyo. Nkayanza kabuzumini bwa Katolika, a itali njiisyo ya Protestanti.

203 “Matayo 28:19,” mula ti, “Jesu wakati, ‘Nkikaako kamuya mu inyika yoonse, muka yiisye masi onse, kuba bbizya mu Zina lya Taata, Mwana, a Muuya Uusalala.’” Oko kuli luleme.

Pele kutali, “Mu zina lya Taata, zina lya Mwana, zina lya Muuya Uusalala.” I *Zina* lya Taata, i *Zina* (kutali mazina), lya Taata . . .

Taata talili zina. Mbangaye bazi boobo? Mbangaye bamatata baliko awa? Amu tambike maanza anu. Mbangaye bana baliko awa? Tambika janza lyako. Mbangaye bantunsi baliko awa? Amu tambike maanza anu. Ncibotu. Lino, nduweni zina lyako? Kutali taata, mwana, akutali muntunsi.

204 Ii mwanakazi wakati kuli ndime ciindi cimwi, oyo wakali sibuzumini wini bwa baleza botatwe, waa kati, “Mukwesu Branham, pele Muuya Uusalala ndi zina.”

205 Nda kati, “Muuya Uusalala talili zina. I Muuya Uusalala mboobo Mbo ubede. Walo Muuya Uusalala.” Kutali zina; obo Mbo ubede. Ndili muntunsi, pele zina lyangu tali muntunsi. Zina lyangu ngu William Branham. Aboobo, ikuti na Wa kati, “Nkikaako kamuya, kuyo yiisya masi, kuba bbizya mu *Zina* lya Taata, a lya Mwana, a lya Muuya Uusalala.”

206 Mpawo Petro, kwiinde mazuba ali kkumi, wakati, “Amweempwe!” Lino, awa, amu swiilile ceeci.

Elyo cindi niba kamvwa ceeci, ba kayaswa ku moyo wabo, a kuti kuli Petro alimwi. . . bamwi baapostolo, Nobaalumi a bakwesu, ino tula cita buti?

Mpawo Petro waka baambila kuti, Amweempwe, umwi aumwi wanu, nkabela mu bapatizigwe mu zina lya i Mwami Jesu Kristo kuti mujatilwe zibi zyanu, nkabela muyo tambula cipego ca Muuya Uusalala.

207 Mpawo sa Petro wakacita eco Jesu ncata kamwaambila kucita? Ta kanyongene. Nde ndiswe banyongene.

208 Aa Ncito 2:38, ba Juda baka bbizigwa mu Zina Iya Mwami Jesu Kristo, mu kunyikizigwa.

Mu Ncito, chipati 8, tu jana kuti Filipino wakainka kumusanza akuyo kambauka ku Basamaria, akuba bbizya mu Zina Iya Mwami Jesu Kristo, Basamaria.

Mu Ncito 10:49, Petro wakalailila Bamasi kubbizigwa mu Zina Iya Mwami Jesu Kristo.

209 Paulo, Ncito 10:5, “Wa kainda aa nkomwe yaatala yaku Efeso, wa kajana basikwiiya.” Ba kali basikwiiya ba Baptisti; bakali, mbabo beni, Baptisti. Ba kasandulwa kungsi Iya mukambausi wa Baptisti wa zina Iya—Iya, mwabona, Apolo. Elyo wa kali mukambausi wa Baptisti, “Alimwi wakali kutondezya ku Bbaibbele kuti Jesu wakali Kristo.”

Paulo wakati, “Sena mwaka tambula Muuya Uusalala kuzwa nimwa kasyoma?”

210 Ba kati, “Ta tuzi naa kuli Muuya Uusalala uuli oonse.”

211 Kati, “Mpawo mbobuti mbo mwaka bapatizigwa?”

212 Ba kati, “Twa kabbizigwa ku muntu nguonya oyo waka bbizya Jesu, ciziba ca maanzi okuya. Eco ncibotu nconzyo.”

213 Paulo wakati, “Eco ta cikobeleka lino. Mweelede kubbizigwa, alubo.” Elyo Paulo waka balailila kubbizigwa, alubo, mu Zina Iya Mwami Jesu Kristo. Kabikka maanza akwe ali mbabo, nkabela Muuya Uusalala waka bawida. Nkasimpe. Iyi, munene.

Kuyooba Mumuni ku ciindi caku mangolezya,
I kazila ka Bulemu muyo kajana ncobeni;
Munzila ya mu maanzi, oyo ngo Mumuni sunu,
Kuzikkwa mu Zina liyandisi Iya Jesu.
Nobana a bapati, amweempwe ku zibi zyanu
zyoonse,
I Muuya Uusalala uyo njila ncobeni;
I Mumuni waku mangolezya wasika,
Nkasimpe kakuti Leza a Kristo Mbamwi.

214 Eco nco Iya kaamba Bbaibbele. Mbo mbubo. Ndi oora, nciindi nco tweelede kweempwa.

215 Waambe, woongolole cindi walibambila, mu ciziba. Alimwi tuya...[I mukwesu wati, “Twa libambila.”—Mul.] Mwali bambila? Ncibotu, kukwela makketani.

216 Lino, Mwami amu longezye lino, mbuli mukwesu mbwa kutauka lubbizyo. Sena nyoonse inga mwabona awa? [Mukwesu Orman Neville ubbizya basyomi—Mul.]



BAHEBRAYO, CHIPATI CABILI ² TNG57-0825E
(Hebrews, Chapter Two ²)

MATOBELANWA AA BBUKU LYA BAHEBRAYO

Oyu Mulumbe aa Mukwesu William Marrion Branham, wakakambaukwa lutaanzi mu Chikuwa Munsondo manglezya, Ivwivwi 25, 1957, ku Branham Tabernacle mu Jeffersonville, Indiana, U.S.A., wa kagu sigwa kuzwa ku rekordi yamagnetiki teepu a kulembwa cakutagwisyacintu mu Chikuwa. Obo busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2021 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Kuzibya Kwa Nguzu Zyakkopi

Nguzu zyoonse zilitaminidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyobolwa mu ciyanza cakujokolosya, kusandululwa mu misyobo iimbi, na kubelesegeka kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org